

Ո Ր Ո Շ ՈՒ Մ թիվ – 238/1
Վարչական տույժ նշանակելու մասին

«11» փետրվարի 2019թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Ալի Դիլմենի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ Արարատյան մաքսատուն-վարչության աշխատակիցները մաքսային հսկողություն իրականացնելու ընթացքում 2018 թվականի օգոստոսի 13-ին հայտնաբերել են, որ 19.07.2018թ. Բավրայի մաքսային կետով թիվ 05100022/190718/0016856 տարանցիկ հայտարարագրով Թուրքիայից <<Տնա-շին Աշոտ>> ՍՊ ընկերության անվամբ առաքված, Թուրքիայի քաղաքացի Ալի Դիլմենի կողմից շահագործվող <<Mercedes-Benz>> մակնիշի, 08K6322/08K7080 հաշվառման համարանիշի ավտոմեքենայով ՀՀ ներմուծված թվով 1 հատ <<Կամացո>> մակնիշի էքսկավատորը սահմանված տասնօրյա ժամկետում չի հասցվել նշանակման վայր՝ <<Ուրբան լոջիստիք սերվիսիս>> ՓԲԸ ժամանակավոր պահպանության վայր, այլ փոխարենը՝ ներմուծումից հետո տեղափոխվել է Արմավիրի մարզի Տանձուտ գյուղ և մաքսային հսկողության ներքո գտնվելու ընթացքում առանց մաքսային մարմնի թույլտվության բեռնաթափվել:

Փաստի առթիվ հարուցվել է վարչական վարույթ ՀՀ մաքսային օրենսգրքի 197-րդ հոդվածի 1-ին մասի և 195-րդ հոդվածների հատկանիշներով, իսկ <<Կամացո>> մակնիշի էքսկավատորը վերցվել և ի պահ է հանձնվել ՀՀ ՊԵԿ Արարատյան մաքսատուն-վարչության հատուկ պահպանության տարածք: 02.10.2018թ. ՀՀ ՊԵԿ հետաքննության վարչության պետի թիվ 238 որոշմամբ Ռոման Գևորգյանի նկատմամբ նշանակվել է տուգանք՝ 14.297.850 ՀՀ դրամի չափով:

Ռոման Գևորգյանի ներկայացուցիչ Մ. Սամսոնյանի 15.10.2018թվականի դիմումի հիման վրա 02.10.2018թ-ի թիվ 238 որոշումը վերադասության կարգով վերանայվել է և արդյունքում ՀՀ ՊԵԿ նախագահի տեղակալ Ռ. Բադասյանի կողմից 12.11.2018թ. կայացվել է <<վարչական պատասխանատվության ենթարկելու մասին որոշումը չեղյալ համարելու և գործը նոր քննության ուղարկելու վերաբերյալ>> որոշում:

ՀՀ ՊԵԿ իրավաբանական վարչությունում 19.11.2018թ. Թուրքիայի Հանրապետության քաղաքացի Ալի Դիլմենի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ ՄՕ 197-րդ հոդվածի խախտման հատկանիշներով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի <<զ>> կետը և նույն հոդվածի 3-րդ մասը, ՀՀ ՊԵԿ իրավաբանական վարչության պետի 2018 թվականի դեկտեմբերի 13-ի որոշմամբ Ալի Դիլմենի նկատմամբ հարուցված վարչական վարույթը կասեցվել է՝ վերջինիս չհայտնաբերելու պատճառով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասը, ՀՀ ՊԵԿ իրավաբանական վարչության պետի 2019 թվականի փետրվարի 11-ի որոշմամբ Ալի Դիլմենի նկատմամբ հարուցված վարչական վարույթը վերսկսվել է և 2019 թվականի փետրվարի 11-ին ժամը 15⁰⁰-ին իրականացվել է սույն գործի քննությունը՝ հիմք ընդունելով ՀՀ մաքսային օրենսգրքի 219-րդ հոդվածի իրավակարգավորումները, այն է՝ Գործը կարող է քննվել նաև տվյալ անձի բացակայության

դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

ԵԱՏՄ մաքսային օրենսգրքի /այսուհետ՝ Օրենսգիրք/ 90-րդ հոդվածի 2-րդ մասի՝ Ապրանքների բեռնաթափումը, փոխաբեռնումը (վերաբեռնումը) եւ ապրանքների հետ կատարվող բեռնային մյուս գործողությունները, ինչպես նաեւ ապրանքները Միության մաքսային տարածք հասցրած միջազգային փոխադրում իրականացնող տրանսպորտային միջոցների փոխարինումն այլ տրանսպորտային միջոցներով իրականացվում են մաքսային մարմնի աշխատանքային ժամերին եւ հատուկ այդ նպատակով նախատեսված վայրերում՝ շահագրգիռ անձի հարցման հիման վրա տրվող՝ մաքսային մարմնի թույլտվությամբ, իսկ անդամ պետությունների՝ մաքսային կարգավորման վերաբերյալ օրենսդրությամբ եւ (կամ) երրորդ կողմի հետ անդամ պետությունների միջազգային պայմանագրերով նախատեսված դեպքերում՝ մաքսային մարմնին էլեկտրոնային կամ գրավոր ձեւով ծանուցելուց հետո: Օրենսգրքի 310-րդ հոդվածի 1-ին մասի համաձայն՝ Մաքսային հսկողությունն անցկացվում է մաքսային մարմինների կողմից՝ սույն Օրենսգրքին համապատասխան: Օրենսգրքի 311-րդ հոդվածի 2-րդ պարբերության համաձայն՝ Մաքսային հսկողության օբյեկտներն են՝ Միության մաքսային տարածքում գտնվող ապրանքները, եթե մաքսային մարմիններն ունեն տեղեկատվություն այն մասին, որ այդ ապրանքները Միության մաքսային տարածք են ներմուծվել եւ (կամ) Միության մաքսային տարածքում են գտնվում մաքսային կարգավորման ոլորտի միջազգային պայմանագրերի եւ ակտերի խախտմամբ:

Մաքսային կարգավորման մասին ՀՀ օրենքի 123-րդ հոդվածի 2-րդ մասի համաձայն՝ ներմուծվող ապրանքները Հայաստանի Հանրապետության տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ, իսկ 128-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

ՀՀ մաքսային օրենսգրքի 197-րդ հոդվածի 1-ին մասի համաձայն՝ Մաքսային հսկողության ներքո գտնվող ապրանքների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցների փոխումն առանց մաքսային մարմնի թույլտվության՝ առաջացնում է տուգանքի նշանակում՝ այդ ապրանքների մաքսային արժեքի հիսուն տոկոսի չափով:

Այսպիսով, նյութերով պարզվել է, որ Թուրքիայի քաղաքացի Ալի Դիլմենն իր կողմից շահագործվող <<Mercedes-Benz>> մակնիշի, 08K6322/08K7080 հաշվառման համարանիշի ավտոմեքենայով ՀՀ է ներմուծել թվով 1 հատ <<Կամացո>> մակնիշի էքսկավատոր, և ներմուծումից հետո տեղափոխել է Արմավիրի մարզի Տանձուտ գյուղ և մաքսային հսկողության ներքո գտնվելու ընթացքում առանց մաքսային մարմնի թույլտվության այն բեռնաթափել:

Վերոգրյալի հիման վրա, ինչպես նաև ղեկավարվելով ՀՀ մաքսային օրենսգրքի 197-րդ հոդվածի 1-ին մասով, 206-րդ, 219-րդ և 221-րդ հոդվածներով,

Ո Ր Ո Շ Ե Ց Ի՝

1. Ալի Դիլմենին (ծնված՝ 03.11.1979թ., Թուրքիայի Հանրապետության քաղաքացի, Թուրքիա, ք. Արիավի, անձնագրի համար՝ Ս00892773) ճանաչել զանցառու ՀՀ մաքսային օրենսգրքի 197-րդ հոդվածի 1-ին մասով և նրան տուգանել 1 հատ <<Կամացո>> մակնիշի էքսկավատորի մաքսային արժեքի հիսուն տոկոսի չափով՝ 14.297.850 ՀՀ դրամ:
2. Որոշման մասին հայտնել Ալի Դիլմենին, պարզաբանելով, որ այն կայացնելուց հետո 10 օրվա ընթացքում կարող է բողոքարկել վերադաս մաքսային մարմին կամ երկամսյա ժամկետում՝ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ